



JU Centar za socijalni rad Breza

ZAVNOBiH-a 6
71370 Breza

Tel./fax. 032/783-912
e-mail: centarbr@bih.net.ba

USVOJENJE

Usvojenje je poseban oblik porodično-pravnog zbrinjavanja i zaštite djece bez odgovarajuće roditeljske brige koji usvojiteljima omogućuje roditeljstvo.

Usvojitelji usvajanjem stieću pravo na roditeljsku brigu.

Usvojenje je neraskidiv odnos srodstva i svih prava i dužnosti koje iz toga proizlaze.

Usvojenje je uređeno

Usvojenje se može zasnovati do osamnaeste godine života djeteta, a usvojitelj može biti osoba u dobi od najmanje 25-45 godina, a starija od usvojenika najmanje 18 godina, a dobna razlika ne može biti veća od 45 godina, a najmanja 18 godina.

Usvojitelji mogu biti BiH državljani.

Iznimno, ako nema zainteresiranih državljana Bosne i Hercegovine za usvojenje djeteta usvojitelji mogu biti i strani državljani, ali je u tom postupku centar dužan pribaviti prethodnu suglasnost resornog ministarstva.

POSTUPAK PROCJENE PODOBNOSTI POTENCIJALNIH USVOJITELJA

Bračni par ili osoba koja nije u braku (vanbračni partneri koji su najmanje 5 godina u vanbračnoj zajednici), prije pokretanja postupka za usvojenje, zatražiti će od centra za socijalni rad mišljenje o podobnosti za usvojenje.

Zahtjev za davanje mišljenja o podobnosti za usvojenje podnosi se Centru za socijalni rad prema prebivalištu potencijalnih usvojitelja.

Ukoliko se radi o zahtjevu za usvojenje djeteta bračnog druga (usvojenje od strane očuha ili maćehe) zahtjev se podnosi izravno Centru prema adresi prebivališta porodice.

Nakon prijema zahtjeva potencijalni usvojitelji prolaze postupak utvrđivanja podobnosti za usvojenje koji provodi stručni tim Centra za socijalni rad, prema adresi prebivališta potencijalnih usvojitelja kojeg čine socijalni radnik, psiholog i pravnik.

Nakon provedenog postupka potencijalnim usvojiteljima se dostavlja Mišljenje o podobnosti za usvojenje.

Tokom postupka procjene potencijalni usvojitelji će biti upoznati sa svrhom i značenjem usvojenja i pravnim pretpostavkama za usvojenje.

Centar upoznaje usvojitelje s obvezom da djetetu kažu da je usvojeno najkasnije do njegovog polaska u školu, a ako je dijete starije to su dužni učiniti odmah nakon zasnivanja usvojenja.

Potencijalnim usvojiteljima se predlaže uključivanje u edukaciju koju provode udruge civilnog društva, kako bi stekli potrebna znanja i vještine i osnažili se ovu iznimno odgovornu i zahtjevnu ulogu.

Prije usvojenja, dijete se smjesta u porodicu budućih usvojitelja na period od 6 mjeseci, bez novčane naknade.

POSTUPAK USVOJENJA

Postupak usvojenja provodi Centar za socijalni rad nadležan prema adresi prebivališta djeteta bez roditeljske brige. Postupak se pokreće po službenoj dužnosti kada su ispunjene sve pravne pretpostovke za usvojenje i kada je procijenjeno da je usvojenje u najboljem interesu i dobrobiti djeteta.

Odabir usvojitelja provodi stručni tim Centra za socijalni rad.

Sastav stručnog tima je za svako dijete drugačiji.

Usvojitelji se u pravilu biraju iz postojeće baze podataka Centra za socijalni rad, a kada to nije moguće, o postojanju potrebe usvojenja djeteta obavještavaju se drugi centri za socijalni rad u Federaciji BiH kako bi predložili potencijalne usvojitelje iz svoje evidencije.

Nažalost, u praksi se to događa u slučaju usvojenja djece s teškoćama u razvoju, djece koja boluju od težih bolesti ili kod djece koja pripadaju određenim etničkim skupinama.

Prilikom odabira usvojitelja Stručni tim uzima u obzir potrebe djeteta, dob, zdravstveno stanje i porijeklo djeteta, njegove prijašnje porodične prilike, psihofizički razvoj, saznanja o usvojenju braće ili sestara, kao i osobine, motive, očekivanja, mogućnosti i socijalne prilike potencijalnih usvojitelja.

Stručni tim upoznaje potencijalne posvojitelje s potrebama, osobinama i ukupnim psihofizičkim i socijalnim statusom djeteta, te na temelju uvida u dokumentaciju i razgovora s pozvanim potencijalnim usvojiteljima donosi odluku o izboru usvojitelja.

Nakon upoznavanja usvojitelja s djetetom i njihove konačne odluke/ prihvaćanja usvojenja započinje postupak donošenja rješenja o usvojenju koji provodi Centar za socijalni rad prema prebivalištu djeteta.

U tom postupku usvojitelji su dužni dostaviti Centru potrebnu dokumentaciju i izjasniti se o izboru imenu i drugim podacima važnim za usvojenika.

Po pravosnažnosti rješenja o usvojenju usvojitelji preuzimaju brigu o djetetu i sva prava i dužnosti koja stieću usvojenjem.

Podaci o usvojenju su službena tajna.

Uvid u spise predmeta o usvojenju i u matičnu knjigu rođenih može se dati usvojenom djetetu nakon njegove punoljetnosti.